

## **Universitätsbibliothek Paderborn**

### **Instructio Practica ...**

De Conversatione Apostolica A Curatoribus Animarum piè & fructosè  
instituenda - Complectens vatos & solidos modos juvandi & consolandi  
diversorum Statuum Personas afflictas, præcipuè ægras & captivas

**Lohner, Tobias**

**Dilingae, 1677**

§. 4. Quid circa instructionem illustrium & nobilium Personarum  
observandum sit.

[urn:nbn:de:hbz:466:1-48248](#)

causas & lites ad se delatas à subditis celeriter expedire, fiducias & literas annotare, & sic librum scriptum ante se habere debent; ex altera tamen parte, quæ sectetum postulant, arcans retinere, & sic clausum quoque & sigillis septem, nempe titulo Justitiae, Fidelitatis, Prudentiae, Religionis, Temperantiae (quæ curiositatem & appetitum revelandi supprimant) Fortitudinis (quæ metum impellentem ad arcana revelanda superent) & charitatis (quæ commoda & incolumentem Republicæ promovere tenentur) munitum; Certè Valerius Maximus optimum & tutissimum rerum administrandarum vinculum taciturnitatem putat esse. Hinc Curtius l. 4. de Persecutione Regum mira celant fide, non metus, non spectaret vocem, quæ prodantur occulta. Vetus disciplina Regis vita periculo silentium sanxerat. Nec rem magnam suscipere posse credunt ab eo, cui tacere grave sit.

VI. Denique sicut Seniores illi in genua procidunt, & coronas ad pedes DEI in throno sedentis pollicunt, ita Senatores quoque, tum pro consiliis capientis ad DEUM recurrere exemplo Salomonis, cap. 3. dicentis: *DEVS Patrum meorum, & Dominus misericordia, da mibi sedium tuarum assidicem sapientiam. Misericordiam de cœlis sanctis tuis, & à sede magnitudinis tuae, ut mens sit, & tecum laboret, ut sciam, quid acceptum sit apud te;* tum in iisdem consiliis dandis non ad proprium commodum, sed ad honorē Dei respicere debent; hic enim est Scopus ultimus, ad quem omnia referenda sunt, uti pius Author in Personam DEI sapienter indicavit, dum l. 3. c. 9. sic loquitur: *Fili, pater debo esse finis tuus supremus & ultimatus, si verè desideras eum beatum; ex hac intentione purificabitur affectus tuus seipsum, & ad creaturas male incurvatus.*

#### §. IV.

*Quid circa Instructionem Illustrum & Nobilium Personarum observandum sit.*

I. **E**T si cum ejusmodi Personis familiaribus conversando præ cæteris saepè Instructione indigent, quæ statu ac fortuna suā moderatè uti doceantur, ideo pro his quoque breviter aliquot doctrinas eidem suggerere placet.

II. Pro

II. Primò ergo ante omnia illos hortetur, ut ob Nobilitatem & Prosapiam suam non se meliores astiment non nobilibus, ac propterea eosdem despiciant, & sua conversatione aut alloquio indignos putent; sed potius memorabilem illam S. Hieronymi epist. 14. sententiam sibi applicent: *Nulli te unquam de generis nobilitate præponas, nec obscuras quasque & humiliori loco natus (Personas) te inferiores putas.* Nescit Religio nostra Personas accipere, nec conditiones Hominum, sed animos respicit singulorum, servum & nobilem de moribus pronunciat. Summa apud DEVVM libertas est, non servire peccatum: summa apud DEVVM nobilitas, clarum esse virtutibus. Et paulò post: *Nihil video in nobilitate appetendum, nisi quod nobiles quādam necessitate adstringantur, ne ab antiquorum probitate degenerent.* Non enim datur Nobili Patri palma, sed cursui: & plerumque nobilitas carnis ignobilitatem parit mentis. Certè juxta eundem sanctum, ille apud DEVVM est potior, non quem nobilitas generis, nec dignitas seculi, sed quem devo-tio fidei, & vita sancta commendat. Quid enim prodest ei (inquit S. Chrysostomus in Matt.) quem soridant mores, genera-tio clara & aut quid nocet ei generatio viles, quem mores ad-ornant?

III. Secundò eis inculcer, non modò nihil prodesse illis generis nobilitatem sine virtutibus, sed potius nocere, ut sapienter S. Chrysostomus ho. 20. in Matt. sequentibus verbis indicavit: *Licet longam Progenitorum seriem, & quidem clarissimam numeremus, in his gloriandum non est, nisi eorum Virtutes superare contendamus, scientes aliorum Opera nihil nobis in iudicio profutura, verum graviter nos condemnatura, cum optimorum Parentum Filii, & domesticis exemplis eruditè nihil profecerimus.* Certè Diogenes, teste Laertio dicere a-fus est, nobilitatem, aliisque fortunæ bona nihil aliud esse, quam velamina malitia; cum enim Nobiles nihilo sint aliis meliores, tamen aliis licentiùs peccant; unde Socrates ibidem cit. omne malum ex nobilitate oriri dicebat.

IV. Tertiò eosdem hortetur, ut, sicut genere & dignitate alios antecedunt, ita & virtutibus superare & præcellere co-nentur, cum verè cecinerit Juvenalis Sat. 8.

Tota licet veteres exorment undique ceræ  
Atria, Nobilitas sola est, atque unica virtus.

Etsi autem omnibus virtutibus præcellere deberent, tremen præcipue illis suadendas S. Franciscus Salesius cap. Reg. p. 2. censuit, eas videlicet, quas S. Paulus in epist. ad Titum c. 2. indicavit dicens: *Apparuit gratia DEI Salvatoris nostri omnibus Hominibus, erudiens nos, ut abnegas impunitatem, & secularia desideria, sobrietate, & iustitate. & pie vivamus in hoc mundo.* Quibus verbis tres præcipue virtutes commendat, scilicet 1. Temperantiam, seu mundanarum Cupiditatum refrænationem, ut qui utuntur hoc mundo, sint quasi non utantur; quæ virtus Nobilibus præcipue convenit, cum teste S. Salesio l. c. nihil in hoc mundo inventare sit, quod nobili sanguinis generosi animo magis de honestamento sit, quam à corporis sui cupiditatibus velut vile mancipium fœde constrictum, subjugatumque teneri, quæ alio non collineantur. *H*ut omnes generosæ indolis fibras elidant, funditusque persumident, ut experientia quotidiana, & tot familiarum nobilissimarum interitus & pernicias satis comprobant. 2. *I*ustitiam commendat idem Apostolus, quæ tantò magis à Nobilibus amanda & servanda est, quanto ampliorem ad quævis agendum licentiam sunt nacti. Ad hanc autem Justitiam juxta S. Salesium l. c. pertinet, suum cuique relinquere, & a tribuere; neminem sive Domesticum, sive necessarium, sive subditum, sive extraneum iustè gravare, & onere indebitum opprimere: nihil à subditis exigere, quod aquissimum non sit, iusta tributa non imponere: manus ab Ecclesiasticis bonis abstinere, quin potius Ecclesias, & Ecclesiasticos oculu & veneratione prosequi; sed & erga alios ita se in agendo benevolū, in loquendo affabilem, in conversatione suavem exhibere, ut par est facere eum, in quem omnes omnium oculi sunt conjecti, quique domum suam ac familiam totam magnum prudentia, sinceritate, suavitatemque gubernet, pacem amicitiamque cum omnibus colat, ac tam præclaro ordinis universa dirigat, ut faciem omnibus exemplo suo præferat. 3. Tandem præ aliis pietatem exigit, quæ se DEI timentem virtutique debitum demonstret; sed & DEI cultui, honori que & obsequio promovendo magno cum Zelo studeat. *Qu*o quidem Zelum S. Salesius sequentibus verbis summoper commendat: *In hoc præcipuum sollicitudinem, in hoc finem, in hoc perfectam statutus sui felicitatem colocatam existimet, hoc*

enim conatum, consilia, & labores destinat. Huc ut tanto<sup>m</sup>  
faciliusque pertingat, principium tum diei, tum negotiorum  
omnium per Orationem à DEO auspicetur. In auscultando  
Sacro Missæ Sacrificio, in decurriendo sanctissimæ Virginis  
Rosario, ejusque Officio, nec non ceteris precibus ab Ecclesia  
ordinatis, Psalmisque evoluendis assiduus sit. Sanctissimæ  
communionis Sacramento minimum se quot mensibus refi-  
tiat, pios, salutarésque libros lectet, concionibns crebet  
adit, frequenter devotarum Congregationum cœtus, eorum  
que in album nomen suum referri faciat, ut tanto<sup>m</sup> sanctius,  
destinatos divino cultui dies exigat. Nunquam patiatur se  
præsentē à quoquam divinam Majestatem dehonorari & of-  
fendi. Utque diei felicissimè coronidem imponat, DEO,  
Cælibusque acceptissimam, ad vesperum concessurus cu-  
bitum, prius semper in rationes conscientiæ indaget. His  
sanctis exercitiis, brevi ad eximiam integritatem, perfectio-  
nemque evadet: his obsequiis gratum, acceptumque se Deo  
præstabit, his amori, venerationique aliis erit, eosque  
exemplo & conversatione tam sancta ad optima quæque  
provocabit.

## §. V.

Quid circa Instructionem Divitum ob-  
servandum sit.

I. N hac Instructione Magni Gentium Doctor Paulus fa-  
cem præferet Operario, doctrinasque suggeret, quas  
jam olim per Timotheum in i. epist. c. 8. Divitibus inculcat  
voluerat dicens: *Divitibus huius sæculi præcipe, non sublime  
sapere, neque sperare in incerto divitiarum, sed in DEO vivo*  
(qui præstat omnia abunde ad fruendum) *bene agere, divites fia-  
ri in bonis operibus, facile tribuere, communicare, thesaurizare*  
*sibi fundatum bonum in futurum, ut apprehendans ve-  
ram vitam. Quibus quidem verbis succinctè comprehendit,*  
quidquid à Divitibus specialiter observati oportet.

II. Primo ergo hortetur, ne efferantur, aliósque despi-  
ciant ob divitias, cùm nullam ob hunc titulum superbiendū  
causam habeant; quis enim Oeconomus aut Quæstor ex eo  
capite, quod plures pecunias distribuendas à Princepe acce-  
perit, & difficiliores rationes reddendas habeat, meliorem se  
aliis,